

# QVÆSTIO MEDICA,

## CARDINALITIIS DISPVATIONIBVS

### MANE DISCVTIENDA IN SCHOLIS MEDICORVM,

Die Iovis xxx. Martii,

M. PETRO SEGVIN,

REGIA CONSILIIIS MEDICIS, ET PRIMARIO  
Reginæ Medico, Disceptatore.

*An Vere Piscium esus salubris?*



IÆTA Partium Medicinæ præstantissima & difficillima, neutiquam potest agris, sanis, medioque modo se habentibus præscribi, nisi Naturæ minister, imitator & corrector Medicus, anni tempestatum potentiam probè teneat, non enim simile quid in illis existit, verùm differunt invicem, propter varias quæ in eis sunt mutationes: Ventres alio modo se habent Vere ac Autumno, Æstate ac Hyeme. Cibi substantia, quantitas, qualitas, vtendi ratio animo perpendenda, cum calore nostro naturali eoque elementari comparanda *ἡμετέρας ἀπορίων, ἡλικυμα κακαχύμων*, mediam consistentiâ sortita, crassis ac tenuibus, Veris præsertim tēpore præferenda: ab his modò refocillatur, modò fatiscit, sui que iacturam patitur. Salubris cibus qui sanitatem conservat, & efficit, pro variis temporibus varius exhiberi debet, talisque dicitur collatione tempestatum cum natura corporis nostri. Æstate & Autumno alimenta sumi debent pauca, bona, & sæpe: Hyeme multa, item Vere, at mediocriter nutrientia.

**A**LIMENTVM quicquid totius substantiæ familiaritate in corporis animati substantiam converti potest, veneno oppositum, (inter vtrumque medicamentum obtinet locum) patiens & agens corpus est; quod sumitur ex plantis, animalibus, eorumque partibus, ex quatuor elementis compositis actu remanentibus, non ex terra, aqua, igne, aëre, binis, & intensis qualitatibus affectis, nec imperfectè mixtis, vt meteoris, & mineralibus; ex animalibus salubrius desumitur alimentum, quàm ex plantis, quod à calore nostro subigitur, eumque augeat Hyeme & Vere magis, quàm Æstate & Autumno. Pro vario syderum ortu, & occasu, à quibus discriminantur anni tempestates, calor vegetior imbecilliorque redditur, vt pro ratione lo-

A iij

corum vita productior. Hyeme & Septentrionalibus longævis, intensus calor, bona concoctio. Æstate vt Meridionalibus vtrumque debile. Autumno vt Occidentalibus infirmis inæqualis calor. Vere vt Orientalibus omnium saluberrimè vitam degentibus, temperatis, & quibus prolixior vita, temperatura media similibus conservanda.

**A**NIMALIA terrestria, volatilia, aquatilia, dedit Natura hominibus pro esca: è quovis genere quæ in omnis excessus mediocritate consistunt, eligenda. Aquatilia animalia bonitate terrestribus & volatilibus non sunt inferiora, hæc æquæ, morbis vt reliqua non ita obnoxia, saluberrimum hominum corporibus sunt alimentum minimè medicamentosum: pisces lacustres fluviatilibus cedunt, vt fluviatiles & *avadesmon*, marinis omnium saluberrimis, ex quibus saxatiles inter littorales & pelagios palmam obtinent, & qui præcipuè in Oceano, quàm in Mediterraneo degunt, *ivodæti*, non *ivodæpti*, cum avibus montanis comparandi, sanguinem consistentiâ medium generant, nec nimis tenuem nec crassum, egris etiam exhibendi, vt Tertianâ exquisitâ laborantibus, picrocholis, calculosis. Nullû convenientius alimentum vbi natura media, calor mediocris, qualis Vere reperitur, non Autumno, Æstate, & Hyeme, quæ anni tempestates *ακέρει*, plurimisque morbis obnoxia.

**E**X piscibus eligendi staturâ & ætate mediocres, non vetusti (excepto Emullo) ex eorum partibus quæ exercitatissimæ, vt caudam & dorsum spectantes, quæ caput, ventrem, & quæ ex his pingues, sunt peiores: gravidi plurimi Vere sunt meliores, marini recenter expiscati lepram inducunt, saliti non salitis insalubriores, molles & friabiles longè præstantiores glutinosi, quibus inculcata est valetudo, iis pisces *in myra* maximè conveniunt, vt iussulenti egrotis: à fartagine humiditas excrementitia piscium absimitur, eorum friabilior redditur caro, gustu suavior, concoctu & distributu facilior, non absimilis illi quam gallinæ, capones, phasiani, perdices, atragenes, columbæ, merulæ, turdi, turtures, passeruli suppeditant.

**V**ER prima Anni tempestas, quo tempore Mundus creatus fuit, ab æquinoctio verno incipiens, & in ortum Pleiadum, æstatis initium desinens, omnium saluberrima, vt temperata, non calida & humida, in qua temperatis & evchymis est utendum cibus, non ita leguminibus, rectissimè piscibus (quidquid dicat Germanus ille impius) ex quibus tamen minùs laudandi qui duræ sunt carnis, vt dracones, cuculi, mustelli, pagri, muli, nam egrè conficiuntur, succosque crassos in corpus distribuunt; at eligendi qui molli friabilique carne sunt præditi, lucii, gobiones, percæ, soleæ, passeræ, rhombi, barbata, aurata: post hos aselli, hamiæ, jecorarii, cythari, umbræ, omnes isti faciliùs quàm cæteri concoquuntur, distribuuntur, & laudatissimum calori nostro pabulum præbent.

*Ergo Vere Piscium esus salubris.*

Proponebat Lutetiæ HUGO CHASLES, Parisinus.  
Anno R. S. H. M. DC. XXVIII.

*cette thèse est la 715<sup>e</sup> du tom IV in folio  
des thèses de la faculté.*